

**Enw:** John Roberts  
**Dyddiad geni:** 1753  
**Dyddiad marw:** 1834  
**Priod:** Roberts  
**Plentyn:** Michael Roberts  
**Rhiant:** Catherine Thomas (née Jones)  
**Rhiant:** Robert Thomas  
**Rhyw:** Gwryw  
**Galwedigaeth:** gweinidog gyda'r Methodistiaid Calфинаidd  
**Maes gweithgaredd:** Crefydd  
**Awdur:** Richard Thomas

Ganwyd ym Mlaenygarth, Dyffryn Nantlle (yr oedd yn frawd i'r pregethwr hynod, [Robert Roberts](#), Clynnog). Gweithiodd am gyfnod yn chwarel y Cilgwyn. Wedi iddo gael peth addysg bu'n cadw ysgol mewn gwahanol leoedd ac adwaenid ef am flynyddoedd fel John Roberts, Llanllyfni. Dechreuodd bregethu pan oedd yn 27 oed. Wedi ei briodas â Mrs. Lloyd, Cefn Nannau, Llangwm, aeth i'r ardal honno i fyw. Ordeiniwyd ef yn gyflawn weinidog yn adeg yr ordeiniad cyntaf, 1811. Bwriodd ei ddyddiau o 1809 hyd ei farwolaeth, 3 Tachwedd 1834 (yn 82 oed), yn Llangwm. Dyn byr o gorff oedd, ond o gyfansoddiad cryf. Bu iddo ran yng nghyfansoddiad y Gyffes Ffydd a'r rheolau disgyblaeth yn 1823, a chyfrifid ef yn drefnydd ac ysgrifennydd medrus iawn. Er nad oedd yn danllyd huawdl fel ei frawd, [Robert Roberts](#), yr oedd yn rymus a rhwydd ei ymadrodd, a phrin y ceid neb un a bregethodd mor gyson yng nghymdeithasfaoedd ei gyfundeb yn Ne aGogledd Cymru am gynifer o flynyddoedd. [Ganwyd 8 Awst 1753; mab iddo oedd [Michael Roberts](#).

## Awdur

Y Parchedig Richard Thomas, (1872 - 1950)

## Ffynonellau

*Methodistiaeth Cymru* (1851-6), ii, 259

J. Jones ('Myrddin Fardd'), *Cofiant a phigion o bregethau y Parch. Michael Roberts, Pwllheli* (Pwllheli 1883)

J. Morgan Jones a W. Morgan, *Y Tadau Methodistiaidd (1895-1897)*, ii, 76-89

W. Williams, *Methodistiaeth Dwyrain Meirionydd* (1902), 401-4

Joseph Evans, *Biographical Dictionary of Ministers and Preachers of the Welsh Calvinistic Methodist Body ... to the close of the year 1850* (1907), 267

# Dolenni Ychwanegol

Wikidata: [Q20804726](https://www.wikidata.org/wiki/Q20804726)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

